

Monday, December 8, 2025

Time - 2:30pm - 2:35pm

**AKASHVANI AIZAWL
REGIONAL NEWS UNIT**

LAWNGTLAI WEST MLA

Lawngtlai West MLA bialtu Pu C. Ngunlianchunga'n zirtawpni khan Tuichawnglui a Lei, CADC leh LADC inkal pawhna tur pawimawh tak a hawng.

Tuichawng Lei hi Vaseikai leh Longpuighat khaw inkar a awm ani a, Border Road Organisation (BRO) in an dawh a ni . Pu C Ngunlianchunga chuan Kum 2015 ah leidawh tur hian ruahmanna tihfel vek tawh ani tih sawiin kum 2017 atangin hnathawh tan ani a ti a, harsatna hrang hrang avangin a hun taka dawh zawh leh peihfel hman a ni lo tih sawin tunah erawh mipui vantlang hmantheih tura peihfel ani chu lawmawm atih thu a sawi.

Pu C. Ngunlianchunga chuan Tuichawng Lei chu Chakma Autonomous District Council a cheng te leh Lai Autonomous District Council a chengte tan inkal pawhna pawimawh anih thu pawh sawiin, tunah chuan Border Road Organisation (BRO) kaltlanga Lei changtlung zawk leh tha zawk dawh ani chu mipui tam zawkin an chhawr tangkai ngeidawn ani ati a, a enkawl kawngah pawh khawtlang hruaitute leh khawtlang mipui ten mawhphurhna an nei ani tih hriaa neitu chan chang theuh turin a ngen tih sawiin Lei dawh anih theihna tura bul tantu Central Sorkar leh tha leh zung seng tute chungah lawmthu a sawi bawk.



BIBLE SUNDAY

Vawiin hi Bible Sunday a ni a, Presbyterian Kohhran te chuan he ni pual hian inkhawm wawi hnih nei turin ruahman a ni.

Chawhnu inkhawmah thupui chu 'Pathian thu- Ringtute chakna' tih thupui hmangin 'Pathian thuchah ngaihthalak a ni a, zan inkhawm thupui chu 'Pathian thuhiril tura koh kan ni'tih thupui ngaihthlak ani ang. Bible Sunday hi Bible thehdarh kawnga intihchak tharna atan hman thin a ni a, a hman dan tur hi Bible Society of India, Aizawl Auxiliary Office in ruahmanin, chu chu Kohhran hrang hrangin an zui thin a, Bible Sunday-ah hian Bible Society pualin inkhawm wawi khat thawhlawm lakkhawm thin a ni bawk.



ECM ASSEMBLY

Evangelical Church of Maraland kohran hnuaia inkhawmpui lian ber pahnihna - Presbytery khawmpui chu zirtawpni atang khan tan a ni a, zaninah a tiak ang.

zirtawpni khan khawmpui palai ten inkhawmpuina hmun tur thleng fel in, zirtawpni zan atang khan khawpui hi tan nimin khan rorel inkhawm neih a ni a, Inkhawmpui hi Presbytery puipa ten an hmanpui a, ECM Assembly hnuaia hian Presbytery pangnga (5) a awm mek a ni.



LAWNGTLAI DISTRICT JAIL

Nimin Inrinni khan Lai Women Association Gen.Hqrs leh MZI Sub-Hqrs Lawngtlai chuan Lawngtlai District Jail-a tangte Advance Christmas an hmanpui.

Lawngtlai District Jail-a Advance Christmas hmanna ah hian fuihna thuchah hrang hrang ngaihthlak ani a, MZI lam atangin Zaithiam ten hun an hmang baw k a, Jail tangte atangin Special Item leh thusawi ngaihthlak ani baw k. Jail tang ten hlim taka Christmas an hman theih nan Health Minister Pi Lalrinpuiin Lai Women Association kaltlangin cheng 5000/- a hlan a. Gift Exchange hun hlimawm tak hman anih bakah , Jail tangte hnenah thilpek hlan vek an ni baw k.

Tun dinhmunah Lawngtlai District Jail ah hian mi 21 an tang mek a ni.



CHRISTMAS PREPERATION

Khawvel hmunn dangte ang bawkin, Mizoramah pawh Krismas hmang turin mipui an inpuahchah mek a, Aizawl khawpui chhunga veng hrang hrang te chuan an veng kaw n leh hmun rem laite an cheimawi.

Kan palaiin Aizawl veng hrang hrang a tlawh kualna ah nizan khan Bawngkaw n veng chuan an vengchhung cheimawi chu hawngin zaithiam hrang hrang nen hun an hmang a, zirtawp zan khan Mission Veng pawhin an vengchhung chei hawngin ropui takin hun an hmang a, Chanmari, Zarkaw t, Tuikhuahtlang leh Sikulpuikaw n te chu kaw n chei zinga mi tlawh tam zualte niin hmun hrang hranga kaw n chei te hi mipuiin an ngaihlu hle a ni.

Akashvani News Aizawl zawhna chhangin, kaw n chei tlawhtu zinga pakhat chuan Krismas puala kaw n chei aw m thin chuan an nun a tih hlim thu leh, naupang, thalai leh nu leh pa thlengin an hlimpui tih a sawi a, thlasik boruak vaw t leh khawlai chei chu inhme hle a, a hriat thu leh, krismas ti krismas tu zinga pakhat ni theia a hriat thu a sawi baw k.

Kaw n chei Lawmman hi pakhatna - Rs. Nuai 2 leh Citation; pahnihna - Rs. Nuai 1 sing 5 leh Citation; pathumna - Rs. Nuai 1 leh Citation bakah veng pasarih tan Consolation prize - Rs. 50,000 leh Citation pek an ni ang.



MIZORAM TEAM WINS SYED MUSHTAQ ALI TROPHY (PLATE GROUP)

Nimina Pune-a 2025-2026 Syed Mushtaq Ali Trophy (Plate Group) final khelhah Mizorama Sikkim hnehin champion no mawi an la.

He inelna hi Board of Control for Cricket in India (BCCI) hnuai niin Twenty20 format a ni a. Mizoram awmna Plate Group ah hian Mizoram bakah team nga dang - Arunachal Pradesh, Manipur, Meghalaya, Nagaland leh Sikkim te an awm a. Mizoram team hi an champion avangin season tharah Plate Group atangin Elite Group-ah an khel tawh dawn a ni.

Chief Minister Pu Lalduhoma chuan social media kaltrongin Mizoram team an champion thei chu a lawmpui thu sawiin , Mizoram infiamna chanchinah Mizoram chu bung thar an kai puiani ati a, India ram infiamna ngiahhlut hlawh ber cricket huanga Mizoram team ten nasa taka hma an sawn chu lawmawm a tih thu leh Cricket Association of Mizoram leh Sports & Youth Services te hnathawh chu ropui a tih thu a sawibawk.

Sports Minister Pu Lalnghinglova Hmar pawhin 2025-2026 Syed Mushtaq Ali Trophy (Plate Group)-a Mizoram an champion thei chi a lawmpui thu leh a chhuan takzet thu social media kaltrongin a tarlang bawk a ni.

